

From: UUM CORPORATE COMM.
Sent: Isnin, 2 Disember 2019 4:25 ptg
To: UUM - All Staff; UUM - All Students
Subject: Ambil Bahagian Dalam Pembinaan Masa Hadapan Negara Menjelang 2030



UUM Corporate Comm.
Universiti Utara Malaysia

2 DISEMBER 2019 / 5 RABIULAKHIR 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Muhammad Shamsul Shafie

AMBIL BAHAGIAN DALAM PEMBINAAN MASA HADAPAN NEGARA MENJELANG 2030

UUM ONLINE: Anak muda disarankan untuk mengambil bahagian dengan kerajaan dalam pembinaan masa hadapan negara pada era 2030.

Ahli Mesyuarat Kerajaan Negeri Kedah, Ooi Tze Min berkata, penyertaan bersama itu adalah untuk memikul tanggungjawab besar dalam merencanakan lebih banyak kejayaan dan mengharumkan nama negara pada masa hadapan menerusi Wawasan Kemakmuran Bersama 2030 (WKB 2030).

Menurutnya, WKB 2030 yang bermatlamatkan untuk menyediakan taraf hidup yang wajar (*decent standard of living*) kepada semua lapisan rakyat pada tahun 2030.

Katanya, Kementerian Pendidikan Malaysia (KPM) dan seluruh agensi di bawahnya sangat komited sepenuhnya kepada pelaksanaan WKB 2030 dan juga Bajet 2020 Belanjawan Malaysia yang baru dibentang oleh Perdana Menteri pada 11 Oktober lalu di Parlimen.

"Atas inisiatif membangunkan minda intelektual warga Malaysia, KPM telah memilih UUM sebagai penganjur simposium ini yang mana saya percaya simposium ini akan membuahkan hasil yang baik serta meningkatkan kesedaran peserta serta menjelaskan hala tuju penghasilan modal insan dalam era globalisasi ke arah Malaysia moden 2030.

"Cabaran di hadapan akan menjadi lebih kompleks dan berdaya saing. Oleh itu, kita mesti terus fokus dalam agenda pembangunan negara memandangkan negara kini beroperasi di dunia yang sangat dinamik dan tidak menentu terutamanya di zaman Revolusi Industri Keempat (IR 4.0)," katanya yang merupakan Pengerusi Jawatankuasa Hal Ehwal Masyarakat Siam dan Cina, Sains dan Teknologi, Perubahan Iklim dan Alam Sekitar pada Majlis Pelancaran Simposium Belia Pendukung Cabaran Perdana 2019: Merealisasikan Wawasan Kemakmuran Bersama, 2030 di Pusat Konvensyen, hari ini.



Beliau yang mewakili Menteri Besar Kedah berkata, bertepatan dengan *blueprint* negara ini, UUM dan anjuran bersama KPM telah mengorak langkah terbaik untuk menganjurkan simposium tersebut.

Menurutnya, beliau berharap simposium itu akan membuka ruang dan laluan untuk saling bertukar-tukar idea dan pandangan yang bermanfaat serta memperolehi maklumat terkini daripada peserta dan penceramah.

Wawasan Kemakmuran Bersama adalah satu *blueprint* ataupun kerangka hala tuju negara bagi tempoh tahun 2021 sehingga 2030 yang telah dicadang dan dibangunkan oleh sekumpulan penyelidik dari Institut Masa Depan Malaysia (MASA) pada September 2018 dan telah dilancarkan pada 5 Oktober lalu.

Sementara itu, Timbalan Naib Canselor (Hal Ehwal Pelajar dan Alumni), Prof. Madya Dr. Hendrik Lamsali berkata, golongan muda masa kini harus dibekalkan dengan ilmu teknologi dan digital yang tinggi bagi mempersiapkan mereka untuk mendepani zaman serba moden tersebut, justeru kerangka yang telah dibina oleh kerajaan ini haruslah dipikul oleh semua pihak dalam membantu untuk menjayakan hasrat negara.

Katanya, beliau berharap simposium ini akan membuka ruang dan laluan untuk bersama-sama berganding bahu menggilap dan mencerna idea demi kegemilangan peradaban baru bagi masa hadapan negara.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.